

800 pastore recedit, lupi patet morsibus. Melius est non vovere, quam vota non implere.
medio mense Iunio. Dicit scriptura: 'Vovete et reddite domino Deo vestro'. Verax est Deus in promissionibus beatitudinis, que diligentibus se promittit; et veridicus^a reddet promissa veritatis. Mementote apostolum dicentem: 'Fratres, stabiles estote et immobiles'. Et iterum: 'Qui stat, videat, ne cadat'. Stabat Iohannes, quando Christum cernebat.
1. Cor. 16, 13. Ideo, fratres karissimi, vigilate et state in fide, viriliter agite, et confortetur cor vestrum in omni opere bono. Et psalmista: 'Expecta Dominum, viriliter age; confortetur cor tuum, et sustine Dominum'. Quid est: 'Expecta Dominum', nisi stabili mente expecta, donec tibi veniat dies remunerationis? Fac omnia opera bona viriliter, et confortetur cor tuum in permanendo, quod cepisti; et sustine Dominum: quicquid
ib. 33, 20. in^b te tribulationis^c vel laboris permittit, sustine viriliter. Multe sunt tribulationes iustorum, et de his liberabit^d eos Dominus. Nullus labor amanti Deum durus videatur; quia ille est remunerator fidelis, qui est auxiliator idoneus, qui numquam deserit sperantes in se. Respondeat homo suggestionibus diaboli: 'Dominus auxiliator mihi est, non timebo, quid faciet homo', id est carnalis delectatio; item: 'Declinate a me, maligni, et scrutabor mandata Dei mei'; et iterum: 'Auxilium meum a Domino, qui fecit caelum et terram'. 'Dominus custodiat introitum et exitum servorum suorum ex hoc nunc et usque in seculum'.

Haec, karissimi fratres, feliciter legite et fideliter implete. Et dominus Deus vos adiuvet et proficere faciat in omni bono; et exaudiat orationes vestras pro omnibus, et pro me fidei vestro adiutore^e. Et dominus Deus custodiat vos in aeterna pace et caritate perfecta, viri^f fratres et filii karissimi.

206.

Alcvinus Nifridio episcopo Narbonensi Benedictum abbatem Anianensem commendat.
800 medio mense Iunio.

Cod. H fol. 63'.

Edd. F 202, J 146. — Migne col. 488.

DILECTO PATRI NIFRIDIO EPISCOPO ALCHVINUS SALUTEM.

Sit memor mei, obsecro, caritas tua in sacrosanctis orationibus tuis cum fratribus nostris. Tempora enim sunt periculosa; et solus ille feliciter vivit, qui Deo serviet in caritate perfecta et fide^a recta et spe bona; quae sunt summae virtutes servientium Deo. In his tua se exerceat sanctitas, ut Deo auxiliante de huius vitae labore^b ad perpetuae quietis beatitudinem pervenire merearis.

Frater vero Benedictus¹ mea omnia tibi innotescere potuerit. Quem cum lacrimis dimisi²; tu vero cum gaudio recipias eum. Vos vero ambo laborate quasi boni pastores in grege Christi; nihil haesitantes de mercede perpetua, quae dabitur fideliter gregem Christi pascentibus.

Omnes vero episcopos et patres fratrum nostrorum ex nostri nominis officio in caritate et prosperitate salutate, rogantes eos nostri esse memores assidua intercessione,

^a) veridicus scripsit J. pro vere dicis c. ^b) a c. ^c) tribulationes vel labores c. ^d) liberavit c.
^e) adiutori c. ^f) vidi c.
206. ^a) fedi H. ^b) laboris H.

1) abbas Anianensis. 2) Cf. infra p. 345.